

Ո Ր Ո Շ ՈՒ Մ

ամբուլատոր դատահոգեբուժական և դատահոգեբանական համալիր փորձաքննություն
նշանակելու մասին

« 02 » փետրվարի 2018թ.

ք.Երևան

ՀՀ քննչական կոմիտեի Ավան և Նոր Նորք վարչական շրջանների քննչական բաժնի ավագ քննիչ Լ.Տ.Քաջազունին, վերանայելով վարույթիս թիվ 17887317 քրեական գործի նյութերը.

Պ Ա Ր Ձ Ե Ց Ի

11.10.2017թ.՝ ժամը 11:30-ին, ՀՀ ՊՆ Երևանի կայագորային հոսափտալից ՀՀ ոստիկանության Նոր Նորքի բաժին ահազանգ է ստացվել այն մասին, որ «որովայնի աջ կեսի կտրած ծակած վերք» ախտորոշմամբ իրենց մոտ է տեղափոխվել Սամվել Կորյունի Խաչատրյանը:

12.10.2017թ.՝ ժամը 18:30-ին, ՀՀ ոստիկանության Նոր Նորքի բաժնում հաղորդում է սվել Սամվել Կորյունի Խաչատրյանն այն մասին, որ 11.10.2017թ.՝ ժամը 08:00-ի սահմաններում, Նոր Նորքի 5-րդ զանգվածի Միկոյան փողոցում գտնվող նախկին «Չելդն» սուպերմարկետի մոտ Էդո անունով անձը դանակով հարվածել է իր որովայնին՝ պատճառելով մարմնական վնասվածք:

Նյութերի նախապատրաստման ընթացքում պարզվել է, որ ոմն Էդոն հանդիսանում է Էդգար Հրայրի Կուրդինյանը:

Դեպքի առթիվ 23.10.2017թ. ՀՀ ոստիկանության Նոր Նորքի բաժնում ՀՀ քրեական օրենսգրքի 113 հոդվածի 2-րդ մասի 6-րդ կետով հարուցվել է թիվ 17887317 քրեական գործը:

23.10.2017թ. ՀՀ ոստիկանության Նոր Նորքի բաժնից ՀՀ քննչական կոմիտեի Երևան քաղաքի քննչական վարչության Ավան և Նոր Նորք վարչական շրջանների քննչական բաժին է ստացվել թիվ 17887317 քրեական գործը և ընդունվել վարույթ:

Նախաքննության ընթացքում տուժող Սամվել Խաչատրյանը ցուցմունք է սվել այն մասին, որ իրականում իրեն ոչ ոք դանակով չի հարվածել, այլ 11.10.2017թ.՝ ժամը 07:45-ի սահմաններում, ինքը, իրենց բնակարանի խոհանոցից վերցնելով դանակ, գնացել է Երևան քաղաքի Նոր Նորքի 5-րդ զանգվածի Բ.Մուրադյան փողոցի 7-րդ շենք, նշված շենքի թիվ 3 շքամուտքով բարձրացել 9-րդ հարկի աստիճանահարթակ, այնուհետև դեպի տանիք դուրս եկող հատված, որտեղ ինքնասպանություն գործելու նպատակով հիշյալ դանակը պահելով աջ ձեռքում՝ հպել է իր գոտկատեղի աջակողմյան հատվածին և ուժ գործադրելով ինքն իրեն վնասել:

31.10.2017թ. Սամվել Խաչատրյանի մասնակցությամբ կատարված դեպքի վայրի զննության ժամանակ Երևան քաղաքի Նոր Նորքի 5-րդ զանգվածի Բ.Մուրադյան փողոցի 7-րդ շենքի թիվ 3 շքամուտքի 9-րդ հարկի աստիճանահարթակից դեպի տանիք դուրս եկող հատվածի ձախ կողմում առկա թվով 3 մետաղյա դռներից մեջտեղի դռան մետաղյա շրջանակի վրայից հայտնաբերվել է կարմիր բռնակով, մոտ 16 սմ ընդհանուր երկարությամբ դանակ՝ շեղքի վրա կարմրավուն արնանման հետքերի առկայությամբ, որը վերցվել և փաթեթավորվել է:


Նկատի ունենալով, որ Սամվել Կորյունի Խաչատրյանի հոգեկան հիվանդությամբ տառապելու, նրա մտավոր զարգացած լինելու աստիճանը և գործի համար նշանակություն ունեցող այլ հարցեր պարզելու համար անհրաժեշտ են դատական հոգեբուժության և հոգեբանության բնագավառների հատուկ գիտելիքներ, ուստի ղեկավարվելով ՀՀ քրեական դատավարության օրենսգրքի 55-րդ, 85-րդ, 243-245-րդ և 249-րդ հոդվածներով.

ՈՐՈՇԵՑԻ

1. Սույն քրեական գործով նշանակել ամբուլատոր դատահոգեբուժական և դատահոգեբանական համալիր փորձաքննություն, որի կատարումը հանձնարարել ՀՀ ԱՆ «Հոգեկան առողջության պահպանման ազգային կենտրոն» ՓԲ ընկերության փորձագետներին:
2. Պարզաբանման համար փորձագետներին առաջադրել հետևյալ հարցերը.
 - ✓ Ինչպիսի անհատական-հոգեբանական առանձնահատկություններ ունի Սամվել Կորյունի Խաչատրյանը:
 - ✓ Սամվել Կորյունի Խաչատրյանին բնորոշ են այնպիսի անհատական հոգեբանական առանձնահատկություններ, որոնք կարող էին էապես ազդել հետագուտվող իրավախիճակում նրա վարքի վրա:
 - ✓ Հաշվի առնելով Սամվել Կորյունի Խաչատրյանի անհատական հոգեբանական առանձնահատկությունները, ինտելեկտուալ և անձնային զարգացման մակարդակը և հետագուտվող իրավախիճակի բովանդակությունը՝ կարող էր արդյոք նա հասկանալ իր կողմից կատարվող գործողությունների բնույթն ու նշանակությունը:
 - ✓ Որոնք են Սամվել Կորյունի Խաչատրյանի իմացական գործընթացների անհատական առանձնահատկությունները և նա կարող էր արդյոք ճիշտ ցուցմունքներ տալ:
 - ✓ Սամվել Կորյունի Խաչատրյանը հոգեկան հիվանդությամբ տառապել է, թե ոչ, եթե այո, ապա ինչ ախտորոշումով և հիվանդությունը գրկել է նրան իր գործողությունների համար իրեն հաշիվ տալու և դրանք ղեկավարելու ընդունակությունից:
 - ✓ Արարքի կատարման պահին Սամվել Կորյունի Խաչատրյանը հոգեկան հիվանդությամբ տառապել է, թե ոչ, եթե այո, ապա ինչ ախտորոշումով և հիվանդությունը գրկել է նրան իր գործողությունների համար իրեն հաշիվ տալու և դրանք ղեկավարելու ընդունակությունից:
 - ✓ Ներկայումս Սամվել Կորյունի Խաչատրյանը հոգեկան հիվանդությամբ տառապում է, թե ոչ, եթե այո, ապա ինչ ախտորոշումով և հիվանդությունը գրկում նրան իր գործողությունների համար իրեն հաշիվ տալու և դրանք ղեկավարելու ընդունակությունից:
 - ✓ Սամվել Կորյունի Խաչատրյանը կարող է արդյոք ճիշտ ընկալել երևույթները, թե ոչ, ընդունակ է արդյոք երևույթների ճիշտ ընկալման և վերարտադրման, նրա մոտ հոգեկան սթրեսի երևույթներ նկատելի են, թե ոչ:
 - ✓ Սամվել Կորյունի Խաչատրյանը իր հոգեկան վիճակով ներկայումս կարող է մասնակցել քննչական և այլ դատավարական գործողություններին:
 - ✓ Ինչպիսի հոգեվիճակում է եղել Սամվել Կորյունի Խաչատրյանը ինքնասպանություն փորձ գործելուն նախորդող ժամանակահատվածում:
 - ✓ Արդյոք առկա է եղել պատճառահետևանքային կապ Սամվել Կորյունի Խաչատրյանի կողմից ինքնասպանություն փորձ գործելուն նախորդող ժամանակահատվածի հոգեկան վիճակի և Շուշանիկ Սարգսյանի, Ջավեն Խաչատրյանի կամ Էդգար Կուրդիյանի գործողություններ միջև, եթե այո, ապա ինչպես են դրանք արտահայտվել:
 - ✓ Ինչ դրդապատճառով է պայմանավորված Սամվել Կորյունի Խաչատրյանի կողմից ինքնասպանության փորձ գործելը:
 - ✓ Սամվել Կորյունի Խաչատրյանը ինքնասպանությունը կատարել է պահի ազդեցության տակ, թե գործել է պլանավորված:
3. Փորձագետներին խնդրել պատասխանել նաև փորձաքննության պահին ի հայտ եկած և որոշմամբ չառաջադրված հարցերին, որոնց պարզաբանումը կարող է ունենալ կարևոր նշանակություն փորձաքննության լիարժեքության ապահովման համար:
4. Փորձագետներին ներկայացնել սույն որոշումը, Սամվել Կորյունի Խաչատրյանին, անհրաժեշտության դեպքում նաև քրեական գործի նյութերը:
5. Փորձագետին պարզաբանել ՀՀ քրեական դատավարության օրենսգրքի 85-րդ հոդվածով նախատեսված նրա իրավունքները և պարտականությունները: Միաժամանակ փորձագետին նախազգուշացնել ակնհայտ կեղծ եզրակացություն տալու, եզրակացություն տալուց

հրաժարվելու, առանց քննիչի թույլտվության նախաքննության տվյալները հրապարակելու համար՝ ՀՀ քրեական օրենսգրքի 338-րդ, 342-րդ հոդվածներով նախատեսված պատասխանատվության մասին: Փորձագետին նախազգուշացնել նաև փորձաքննություն կատարելու համար նրան տրամադրված քրեական գործի կամ այլ նյութերի պահպանության նկատմամբ անփութություն ցուցաբերելու հետևանքով դրանց կորստի, ոչնչացման կամ հափշտակելու դեպքում ՀՀ քրեական օրենսգրքի 315-րդ հոդվածով նախատեսված հնարավոր պատասխանատվության մասին:

Ավագ քննիչ՝



L.S.Քաջազունի